

დამტკიცებულია

შპს ბიზნესისა და ტექნოლოგიების აკადემიის
რექტორის 2021 წლის 24 მაისის 2/44 ბრძანებით



შპს ბიზნესისა და ტექნოლოგიების აკადემია

ეთიკის კოდექსი

BTA მუდმივად ზრუნავს ხარისხის
სისტემის გაუმჯობესებაზე!
ამის ერთ-ერთი თვალსაჩინო
მაგალითია ISO 9001:2015 სტანდარტის
დანერგვა, რომლის ფარგლებშიც
მუდმივ რეჟიმში მიმდინარეობს
შეხვედრები და შესაბამისი
დოკუმენტების მომზადება.



ეთიკის კოდექსი

პრეამბულა

- ვითვალისწინებთ რა, რომ შპს ბიზნესისა და ტექნოლოგიების აკადემია (შემდგომში - აკადემია) არის მაღალი რეპუტაციის მქონე პროფესიული საგანმანათლებლო დაწესებულება, რომელიც საგანმანათლებლო საქმიანობას ახორციელებს 2014 წლიდან;
- ვითვალისწინებთ რა, რომ აკადემია წარმოადგენს საგანმანათლებლო დაწესებულებას, რომელშიც პროფესიული სტუდენტებისთვის და მსმენელებისთვის არის ერთიანი სივრცე, სადაც უზრუნველყოფილია პროფესიული განათლების თანაბარი ხელმისაწვდომობის უფლება;
- აკადემია თავისი არსით მნიშვნელოვან როლს ასრულებს დემოკრატიული და ღია საზოგადოების ჩამოყალიბებაში, რისთვისაც საჭიროა ეთიკური ნორმების დაცვა. აღნიშნულ პრინციპები გათვალისწინებულია ეთიკის კოდექსში (შემდგომში - კოდექსი), რომელიც არის აკადემიის მსმენელების და სტუდენტების ეთიკური პრინციპების, ღირებულებებისა და ქცევის სავალდებულო წესების ერთობლიობა;
- აკადემია ხაზს უსვამს და აღიარებს ყველა სტუდენტის/მსმენელის მიმართ თანაბარ მოპყრობას და ერთმნიშვნელოვნად კრძალავს რაიმე ნიშნით პირის დისკრიმინაციას;
- აკადემია აღიარებს ყველა სტუდენტის უფლებას, თუმცა ამავე დროს განსაზღვრავს მათ მიერ ქცევის სავალდებულო წესებს, რომელიც მიმართულია ეთიკური ღირებულებებისა და პრინციპების დაცვისაკენ;

აქედან გამომდინარე, აკადემია სავალდებულოდ აცხადებს:

მუხლი 1. ძირითადი პრინციპები

1. აკადემიის ყველა სტუდენტი/მსმენელი თანაბრად სარგებლობს საქართველოს კანონმდებლობით, ხელშეკრულებით, აკადემიის მიერ დადგენილი სასწავლო პროცესის მარეგულირებელი, პროფესიული სტუდენტის შეფასებისა და დისტანციური სწავლების წესით.
2. სტუდენტი იზიარებს აკადემიის ეთიკის კოდექსით გათვალისწინებულ ღირებულებებს და იცავს ამ კოდექსით დადგენილ წესრიგს.

მუხლი 2. პროფესიული სტუდენტის უფლებები და მოვალეობები

პროფესიული სტუდენტი/მსმენელი ვალდებულია:

- გაუფრთხილდნენ დაწესებულების პრესტიჟს;
- დაიცვან დაწესებულების ტერიტორიაზე ქცევის წესები, აგრეთვე, ეთიკის ნორმები დაწესებულების პერსონალთან და სხვა პროფესიულ სტუდენტებთან ურთიერთობაში;
- არ დაუშვას სხვა პირის მიმართ არათანაბარი მოპყრობა და დისკრიმინაციური მიდგომა;
- აკადემიაში გამოცხადდეს მოწესრიგებულ მდგომარეობაში;
- ხელი არ შეუშლოს სასწავლო პროცესის მიმდინარეობას;

2. აკადემიის ტერიტორიაზე პროფესიულ სტუდენტებს/მსმენელებს ეკრძალებათ:

2.1. თამბაქოს მოწევა;

2.2. ხმაური და მეცადინეობისათვის ხელის შეშლა;

2.2.3. დაწესებულების შენობის ტერიტორიაზე პოლიტიკური ხასიათის შეკრებისა და მანიფესტაციის მოწყობა;

2.2.4. დაწესებულების შენობაში ცეცხლსასროლი ან გაზის იარაღით შესვლა;

2.2.5. დაწესებულების ტერიტორიაზე აზარტული თამაშები;

2.2.6. ალკოჰოლური, ფსიქოტროპული და ნარკოტიკული საშუალებების გამოყენება, ან ალკოჰოლის ზემოქმედების/თრობის ქვეშ აკადემიაში გამოცხადება;

2.2.7. გამოცდის ჩატარებისა და გამოცდაზე ქცევის წესების დარღვევა;

2.2.8. სასწავლო პროცესის ხელის შეშლა ან ჩაშლა;

- 2.2.9. აკრძალულია აკადემიაში გამოცხადება დადგენილი ჩაცმის სტანდარტის დარღვევით.
- 2.2.10. დაწესებულების შენობაში არსებული საინფორმაციო და სადემონტრაციო მასალის დაზიანება და განადგურება;
- 2.2.11. პროფესიული სტუდენტების/მსმენელებისა და თანამშრომლებისათვის შეცდომაში შემყვანი და არანამდვილი ინფორმაციის მიწოდება;
- 2.2.12. აკადემიის ქონების, მატერიალური ტექნიკური ბაზის ან საბიბლიოთეკო ფონდის დაზიანება, დაკარგვა ან დაუბრუნებლობა;
- 2.2.13. დაწესებულებაში არსებული საქმიანი დოკუმენტაციის უნებართვოდ აღება, დაზიანება და განადგურება;
- 2.2.14. დაწესებულების ტერიტორიის (შენობისა და ეზოს) დანაგვიანება-დაზინძურება;
- 2.3. აკადემია ვალდებულია:
- 2.3.1. დაიცვას პროფესიული სტუდენტი/მსმენელი აკადემიის პერსონალის მხრიდან არასათანადო მოპყრობის, შეურაცხყოფისა და უყურადღებობისაგან;
- 2.3.2. აკადემია ახორციელებს და მხარს უჭერს სტუდენტების/მსმენელების თანარ მოპყრობასა და ხელმისაწვდომას. დაუშვებელია ნებისმიერის სახის დისკრიმინაცია და შევიწროება, როგორც სასწავლო ასევე, სამუშაო პროცესში.

მუხლი 3. დისციპლინური პასუხისმგებლობა

- 3.1. დისციპლინური პასუხისმგებლობა წარმოადგენს იურიდიულ პასუხისმგებლობას, რომელიც გამოიყენება აკადემიის პროფესიული სტუდენტის/მსმენელების მიმართ დისციპლინარული გადაცდომის შემთხვევაში.
- 3.2. დისციპლინური წარმოების დაწყების საფუძველია პროფესიული სტუდენტის/ მსმენელის მხრიდან დადგენილი წესებისა და ვალდებულებების დარღვევა. აღნიშნულის შესახებ წარმოების დაწყების მიზნით დაინტერესებული პირი წერილობით განცხადებით მიმართავს რექტორს.
- 3.3. რექტორი შესაბამის პირს ავალდებს წარმოებასთან დაკავშირებული ინფორმაციის დამატებით მოკლევის შესახებ, იმ შემთხვევაში თუ მიცემული განმარტებაში მითითებული გარემოებები არ არის საკმარისი გადაწყვეტილების მისაღებად.
- 3.5. წარმოების დასრულების შემდგომ, რექტორი იღებს გადაწყვეტილებას დისციპლინარული ღონისძიების გამოყენების ან წარმოების შეწყვეტის შესახებ.
- 3.6. ყოველი დისციპლინური დარღვევა განხილული იქნება ინდივიდუალურად, შესაბამისად, რექტორი გადაწყვეტილებას მიიღებს სირთულის, სიმძიმისა და დისციპლინური გადაცდომის შედეგის გათვალისწინებით.
- 3.7. რექტორის მიერ მიღებული გადაწყვეტილება უნდა იყოს დასაბუთებული და გამოყენებული დისციპლინარული ღონისძიება უნდა იყოს დარღვევის თანაზომიერი. ღონისძიების ზომა და გამოყენების ვადა განისაზღვრება ბრძანებით.
- 3.8. აკადემიის პროფესიულ სტუდენტს/მსმენელს შეიძლება დაეკისროს შემდეგი სახის დისციპლინური სახდელი:
- გაფრთხილება;
 - საყვედური;
 - სასწავლო პროცესიდან დროებით გათავისუფლება;
 - პროფესიული სტუდენტის სტატუსის შეჩერება/შეწყვეტა;
 - მატერიალური პასუხისმგებლობა;
- 3.9. პროფესიულ სტუდენტს/მსმენელს უფლება აქვს, სასამართლოში გაასაჩივროს საგანმანათლებლო დაწესებულების/იურიდიული პირის მიერ მის მიმართ მიღებული გადაწყვეტილება.
- 3.10. განმეორებით ჩადენილი გადაცდომისთვის შესაძლებელია უფრო მძიმე სახდელის გამოყენება. აღნიშნულთან დაკავშირებით გადაწყვეტილებას იღებს რექტორი ინდივიდუალურად. წარმოების სირთულისა და ჩადენილი ქმედების კომპლექსურობიდან გამომდინარე, შესაძლებელია რექტორის ბრძანებით, მოხდეს შესაბამისი კომისიის ფორმირება.
- 3.11. აღნიშნული კომისიის წევრები შეიძლება იქნება აკადემიის პერსონალი ან მოწვეული პირი.
- 3.12. კომისიის შექმნისა და საქმიანობა პროცესი უნდა წარიმართოს მიუკერძოებლად, დამოუკიდებლად და გამჭვირვალედ.
- 3.13. კომისია გადაწყვეტილებას იღებს უმრავლესობით. კომისიის სხდომები უნდა აისახოს შესაბამისი ოქმში. რექტორი გადაწყვეტილება იღებს კომისიის ოქმის საფუძველზე.
- 3.14. დისციპლინური პასუხისმგებლობის საკითხები აკადემიაში დასაქმებული პირებისათვის განისაზღვრება პერსონალის მართვის წესის შესაბამისად.

მუხლი 4. პროფესიული სტუდენტის წახალისება

4.1 წარჩინებული სწავლისა და აკადემიის საქმიანობაში მიღწეული წარმატებისათვის, საზოგადოებრივ ცხოვრებაში აქტიური მონაწილეობისათვის, პროფესიული სტუდენტი/მსმენელი წახალისდება შემდეგი ფორმით:

- მაღლობის გამოცხადება;
- ფასიანი საჩუქრით დაჯილდოება;
- სტიპენდიის დანიშვნა;
- გამოყენებული დისციპლინური სახდელის ვადამდე მოხსნა;
- სწავლის საფასურისაგან სრულად ან ნაწილობრივ გათავისუფლება;

4.1. წახალისების ფორმა განისაზღვრება რექტორის ბრძანებით.

მუხლი 5. ჩაცმის სტანდარტი

1. აკადემიის სტუდენტი/მსმენელი ვალდებულია დაიცვას აკადემიის მოთხოვნები პროფესიულ და აკადემიურ გარემოების სტილთან დაკავშირებით.

2. ეს სტანდარტები ვრცელდება აკადემიის ყველა სტუდენტსა და მსმენელზე, ლოკაციისა და განყოფილების განურჩევლად.

3. აკადემიაში ყოფნისას სტუდენტის ჩაცმულობა უნდა აკურატურული და საგანმანათლებლო დაწესებულების სტატუსის შესაბამისი.

მუხლი 6. სისუფთავის სტანდარტი

1. სისუფთავის სტანდარტი განსაზღვრავს აკადემიის სისუფთავის ნორმებს.

2. აკადემიის სისუფთავის ნორმების დაცვა ნიშნავს, რომ დღის ნებისმიერ დროს: უკლებლივ ყველა აუდიტორია, შენობის შიდა ფართი და აკადემიის ეზო ყოველთვის (როგორც სამუშაო დღის მანძილზე, ისე დღის ბოლოს) იყოს სუფთა და აკურატული;

3. დაუშვებელია აუდიტორიაში მაგიდაზე ტანსაცმლისა და პირადი მოხმარების საგნების (მაგ. ქურთუკები, ჩანთა, ქუდები, ქოლგები, კოსმეტიკა, საჭმელი და სხვა) განთავსება;

4. აკადემიის შიდა სივრცეში დაუშვებელია ჭამა; დაშვებულია მხოლოდ ცივი ან ცხელი სასმელის დალევა ჭიქით.

5. აკადემიის სტუდენტი ვალდებულია, არ დაანაგვიანოს და დააზიანოს აკადემიის შიდა სივრცე და ეზო. მატერიალურ ტექნიკურ საშუალებების გამოყენებისას მოეპყრას, როგორც საკუთარს.